欽 定 全 唐

potential de la constante de l					u kalan da karaktara		est year of the consection	www.com/action/	
欽定全唐文 卷六百五十九 目錄	宋朝榮加常侍制	封太和長公主制	駙馬都尉鄭何除右衛將軍制	路貫等授桂州判官制	馬總亡祖母韋氏贈夫人制	武寧軍將王昌涉等授官制	李佑授晉州刺史制	白居易四	欽定全唐文卷六百五十九日錄
								,	

同制	與州刺史鄭公逵授王府長史李循	張維素亡祖紅贈戸部郎中制	盧昂可監察御史裏行知轉運永豐	監賓客諮議衛佐同制		裴度韓宏等各賜一子官并授姪女	諸道軍將等授官制	贈陣亡軍將等刺史制	
	一長史李循授與州刺史	中制	轉運永豐院制		及侯仕戡等四十人授卿	并授姪女壻等制			•

Account to the last of the las

20.00

金片全厚文差六百五十九 冀州奏事官田練可冀州司馬兼殿中侍御史制 薛常覷可那州刺史本州團練使制 牛元翼可檢校左散騎常侍深州刺史御史大夫 京兆府司錄參軍孫簡可檢校禮部員外郎判南 王衆仲可衡州刺史制 制 同制 節度判官浙東判官試大理評事韓伙可殿中 侍御史巡官試正字晁朴可試協律即充推官

|--|

金ちとようララコラ 裴敞授昭義軍判官裴侔授義成軍判官各轉官 李元成等授官制 神策軍推官田疇加官制 權知朔州刺史樂璘正授兼御史中丞制 馬總準制追贈亡父請迴贈亡祖制 雲州刺史高榮朝除太子賓客河東都押衙制 制 刺史李進賢授右聽衛將軍并檢枝常侍兼御 史大夫制

欽定全唐丈 卷六百五十九 目錄		除趙昌檢校吏部尚書兼太子賓客也	除段祐檢校兵部尚書右神策軍大將軍制	除裝垍中書侍郎同平章事制	新羅賀正使金良忠授官歸國制	羽林龍武等軍將士各加改轉制	烏重明等贈官制	韋綬等賜爵制
四		十賓客制	東軍大將軍制	制	國制	鸭 制		

為予撫字夫均其征役簡其科禁謹身省事以臨其人而 聲而平陽舊都近罷征鎮土疆事物旣廣且殷藉爾良能 人不安未之有也往宏是道以康晉人可依前件 降是命某官李佑夙負材器累經任用當領軍郡煩著政 勃牧守之官與吾共理下之安不繁乎其人必稽前功方 大三日与上一大八五五十七 欽定全唐文卷六百五十九 白居易四 武寧軍將王昌涉等授官制 李佑授晉州刺史制 白居易

動藩隅之重委以侯伯軍府之要掌在賓寮貫等以文行 實居貴仕將明餘慶其在追榮不惟垂裕後昆抑且光昭 勃某官馬總亡祖母韋氏播茲懿範貽厥嘉謀施及孝孫 幽壤宜降封邱之命以慰令伯之心可贈某夫人 勃王昌涉等早以材力召募從軍元和以來南征北伐咸 金ピスノコールースコーナ 有勞績者於一時主帥上聞乞加褒賞故以寺卿憲職序 而寵之無棄前功在申後効可依前件 路貫等授桂州判官制 馬總亡祖母韋氏贈夫人制

性 聲飲念舊獎能宜加榮寵環列之尹不易其人俾宣力於 **爪牙不失親於肺腑可右衛將軍餘如故** 吏其屬親賢某官鄭何權秀士林挺質公器以貞和陶其 動局設七萃漢列八屯皆以拱衛王官庸嚴微道統茲騎 其义安實在參贊宜及龍命以光所從可依前件 修身以智謀從事佐康問澄清之務無華夷錯雜之人們 以禮樂文其身善積德門慶連戚里况久踐名職累著 封太和長公主制 駙馬都尉鄭何除右衛將軍制 . 11 1/ ... コラコラ

欽定全唐文人卷六百五十九 勒河東節度都押衙試太子賓客兼御史中丞宋朝榮嘗 之德俾開湯沐之封可封某公主 動公中節故環珮有常聲歲茂樓華日新淑問乃眷肅雅 典第四女端明成性和順果教静無達禮故組制有常訓 勒公主之封號也或以善地或以嘉名立愛展親茲惟舊 職雖有兼命未表殊恩宜加騎省之樂不改憲臺之重以 因戰功擢領邊郡揆能適用故有轉遷龍樓上寮衙門右 兹龍任足報忠勲爾其敬承無墮乃力可檢校立散騎常 宋朝榮加常侍制

勃平齊之役也諸軍指期衆校合戰其官等各輸戮勇同 勒故某官某等王師問罪至於淄青爾等同執干戈親當 樹熟勤永思積日之勞煩處逾時之賞故於與授有所超 王事深惻朕心念捐軀於軍前宜追命於泉下郡守之貴 侍餘如故 人のシュラインをプラケー 失石忠而盡瘁勇而亡身或退卒於師或進殁於戰俱死 以示亵榮可依前件 諸道軍將等授官制 贈陣亡軍將等刺史制 白居易 Ξ

金分子 年 一 えつてヨーナ 敬承無忝朝獎可依前件 **俾舉展親之典用叶推恩之道猶予愛壻各命以官爾其** 遷朝右貴班官坊清秩或参憲職分以命之底知我心不 劫某官某等謁廟郊天改元肆肯是為大慶與眾共之 文華或以吏職有所修立稟於義方自當衰升况霑慶澤 忘忠力可依前件 肱心膂之臣與吾同體延賞任子其可廢乎爾等或以 裴度韓宏等各賜一子官并授姪女壻等制 回此使下軍將官吏夏侯仕戡等四十人授卿 矧

飲完全唐文、卷六百五十九 是乎在可依前件 軍用紙王命悉心盡力有恪恭跋涉之勤焉宜以省寺軍 言遂可其奏爾思自効無辱所知可依前件 衛之班官坊府邸之用舉為賓典分以龍之辨等旌勞於 粉其官夏侯仕戡等前命鄭惟之入回紀也爾等多護使 勒號州司戸參軍盧昂前負瑕疵事多暧昧今開修省善 亦昭彰况有大僚同知情狀且明非罪仍舉有才吾信 盧昂可監察御史裏行知轉運水豐院制 監賓客諮議衛佐同制 白居易 四

郎中 能垂裕於後也不追榮於列宿曷旌德於太邱可贈戸部 位命屈於當代慶流於後昆故其孝孫實登貴仕經曰無 勃右散騎常侍張維素亡祖其縣令某德合上元才終下 念爾祖詩曰貽厥孫謀此言孫之謀能顯揚其先祖之德 勃鄭公達等或以行稱或以才舉進修所致班秩不卑改 張 與州刺史鄭公逵授王府長史李循授與州刺史 維素七祖紘贈戸部郎中制 同制

欽定全唐文卷六百五十九 名官至斯亦不為不遇也立朝案部各敬爾官可依前件 命序遷各適其用且乘朱輪於郡邸曳長裾於王門士 終可陵州刺史 更道因假郡符畏法愛人善於其職夫速旌其能則更勸 勅審材之要考察為先吾之於人試乃可用李正卿頗閱 、於其政則化成未可轉遷就加真秩副吾知獎無怠始 知 權知陵州刺史李正卿正除刺史制 渭橋院官蘇利授員外郎依前職前進士王績 授校書郎江西巡官制 白居易 五

臺官校職爾各欽承可依前件 多兼命以優龍馬而璀以鞭珥索難從事征鎮前後主帥 勃其官王璀郡司馬之官秩禄頗厚凡在我行有軍課者 既有成賞安可缺前進士王續亦以藝學籍名太常著為 令聞及此慰薦一以課進一以才升成加班樂同以衰獎 勒某官蘇利當以幹良分領劇務受任稱職主者上 稱有功宜加新命仍率舊職蓋欲姓往勞而責來効也 湖南都押衙監察御史王璀可柳州司馬依舊職 制 聞績

彰能訓論者美宣祖大臣以行至移風稱易名者必曰光 劫某官黄士修戎首來降陪臣告捷服勤靡監將命無違 得見於私室其言不敢近政其動未當違謙用是寡尤式 劫具官徐綰以丞相之子為尚書即人得見於會朝而不 宜以恩榮獎其勞劾責階崇秩兼而龍之可依前件 爾其勉之可兼柳州司馬 安南告捷軍將黄士慘授銀青光禄大夫試殿中 授徐綰兵部員外郎李光嗣右司員外郎制 監制

膱 史王鎰自居殿中能察非法連鞫底獄多協平允加以溫 欽定全唐文、卷六百五十九 嗣之王父也爾克敬有後敏以自圖多所周防恐墜遺法 劫刑曹郎關朕詔執事擇可以善於其職者而殿中侍御 無墮當官可依前件 敏静專可當是選一歲之獄決在秋冬今方其時宜敬乃 而皆以去列可使陟居武庫部都曹郎選惟重并舉而授 京兆府司錄參軍孫簡可檢校禮部員外郎荆南 王鎰可刑部員外郎制

定矣簡自登憲司佐相幕府暨糾天府皆有可稱而伙等 遠近以進秩俾等殺有常序遷次有常程勞逸均而名分 勒某官孫簡等凡使府之制量職之輕重以命官於時之 卿大夫皆由此途出慎爾職事爾無自輕可依前件 たころこまし えいりをとし 亦以文學發身謀畫効用荆揚浙右實籍賓僚况今之公 冀州奏事官田練可冀州司馬兼殿中侍御史制 同制 侍御史巡官武正字晁朴可試協律郎充推官 節度判官浙東判官試大理評事韓伙可殿中 白居易

節見此忠良之事業也爾其念之哉可依前件 遂膺龍任今屬方隅多故將守用能且以翽之長材居那 金与月了一是一下ヨーノ 之要地故命魚符換郡熊軾移轅夫事至而功成時來而 勒新授深州刺史薛常謝平蔡之役常領偏師實立熟勞 中兹謂兼榮爾其敬受可依前件 勒某官田練幹敏立身公勤濟事奉州將之手疏達軍 之血誠念其忠勞宜有寵權假憲名於殿內遷郡秩於治 薛常覷可那州刺史本州團練使制 牛元翼可檢校左散騎常侍深州刺史御史大夫

著良能前牧南康亦聞有政宜新印綬載領藩條而衡相 勒其官兼御史中丞權知深州事牛元翼命官之要凡試 其要無他得時而已勉竭才力副予斯言可依前件 吏者必俟成効然後即具而元翼有理戎之才打城之暑 動前處州刺史王眾仲聚學修身由大飾吏累經任使煩 真拜郡符仍以金貂示其兼電吾聞忠臣立節烈士垂名 權領軍郡能修武經士樂人安厥有成績是用假成臺憲 欽定全唐文、卷六百至九 王眾仲可衡州刺史制 白居易

前件 而盛生熟德門有文武畧居貴介而無供領誰何而有勞 副吾陟明俟汝奏課可依前件 言念微巡之功宜及轉遷之命處左攝事以表使能可依 勃右金吾衛將軍田盛夫任官至執金吾古今所榮重也 之間蠻越雜處無以俗陋不慎乃事無以地遠而怠厥心 陳楚男王府諮議多軍君賞可定州長史兼御史 田盛可金吾將軍勾當左衛事制 軍中驅使制

諭之美分符郡即佇開刺舉之能宜屬公心祇承寵命 動太子左爺德崔承寵早登班級亟換星霜自陳力於貴 軍旅之事因仍憲職兼佐郡行敬服龍章勉從任使 去思相時之宜從人之望俾換新命再臨舊邦况聞貯蓄 動前貝州刺史崔鴻當牧貝邱能修其職及辭印緩頗歷 朝屢奉辭於外國職由事博績以勞成就力官坊既申費 粉其官陳君賞風承義訓幼有令聞專繼弓裝之名通知 崔承龍可集州刺史制 前具州刺史崔鴻可重授具州刺史制

欽定全唐文、卷六百五十九 **添知人之舉** 時材語詳物務而方州思理侯伯薦能勉勤為政之心勿 動前吉州刺史李繁累奉藩條皆奏課第故移縉雲之政 選事旣謀新職宜仍舊勉率分憂之任庶成來暮之謡 俾牧廬陵之人雖降璽書未臨郡邸屬魚章改造熊軾追 **勅某官萬重皓嘗資武力早備戎行煩歷艱虞亦聞勤効** 而潘隅未靖遷轉從宜言念前勞宜加優秩可坊州司馬 瀛漢州都虞候萬重皓可坊州司馬制 前吉州刺史李繁可依前吉州刺史制

勅文武之才內外迭用軍國之任出入遞遷斯所以優勳 賢而均勞逸也其官魏義通以戎功積久榮委旌旄其官 **隕其名宜拔才於功臣俾試吏於府掾可依前件** 勒軍曹觀察判官監察御史裏行崔墉文行飾躬公清奉 職士林推美藩府薦能軍旅之間久資其用忠勤之後不 前河陽節度使魏義通授右龍武軍統軍前泗州 崔墉可河南府法曹參軍制 史大夫制 刺史李進賢授右驍衛將軍并檢校常侍兼御 白居易

藉或分領劇務課績有成并可奏書各遷憲職勉勤乃事 河陽三城鎮静而不擾泗濱一郡緝理而有勞我有禁軍 李進賢以軍課居多麗分符竹各動其職成用所長是以 多次全座文 老八百五十九 無忝所知可依前件 爾宜分領親信則倚為心膂動用則張為爪牙苟非其人 **勅黔州觀察使兼度支使李元成等或蘊蓄能才咨謀是** 不副此任咸假貂蟬之貴仍兼隱職之榮勉哉二臣無替 志可依前件 李元成等授官制

而化易就也才旣試可官宜即真何以龍之就加憲職可 钦定全唐文 卷六百五十九 涕之思疾使幽顯兩無恨馬可贈其官 賢為國士荷貽謀之訓用率義之文上獻表章有所陳乞 聞果副所舉夫審官之要在因其所長而任之則政速成 勃樂璘專習武經旁通吏道試補郡守以觀其能連帥上 朕念其祖德聚以臺郎所以復陳實必與之言慰范香泣 勒夫積善者慶鍾於後顯楊者光昭於先而總貴為邦君 權知朔州刺史樂璘正授兼御史中丞制 馬總準制追贈亡父請迴贈亡祖制 白居易

劝例當轉遷郡佐官寮以示兼寵 勃裝敞等昭義義成今之重鎮實籍賓介以參謀飲而二 勒田疇官列環衛職參禁軍慎檢有聞恭勤無怠顧是勞 帥皆勤於奉公精於辟士度才而授職循序而請官頗 朔州刺史兼御史中丞 所宜咸可其奏可依前件 裴敞授昭義軍判官裴侔授義成軍判官各轉官 神策軍推官田疇加官制

致定全害丈! &六百五十九 也重明等在與元初常執勤於奉天策熟為定難無禄即 封爵以報恪勤可依前件 勃故其官烏重明等夫生樹功勤發加褒飾有國之常典 勃高樂朝常領鋭師入攻堅冠因累獎賞位至專城才有 勒韋綬等去年春夏同奉寢園事集禮成副吾哀敬宜加 所長宜遷戎職功不可忘兼進榮班勉事元戎無替勞效 烏重明等贈官制 幸綏等賜爵制 雲州刺史高榮朝除太子賓客河東都押衙制 白居易 E

進可依前件 認有司舉行貨與吾匪虚授爾宜敬承文武班資各從序 慰幽泉各追顯秩可依前件 勃新羅使倉部郎中金良忠等朕以文明御時以仁信柔 列於禁營屬去年以來屢陳儀仗雖加賜予未答勤勞因 代有勞未圖星藏屢遷光塵不昧開鞞之念予心曷忘俾 勒夫軍衛警則內外嚴爵賞明則忠動勸爾等咸以村力 なーノーノニンランニニン 新羅賀正使金良忠授官歸國制 羽林龍武等軍將士各加改轉制

前件 我圖爾勞隨其等倫命以龍秩無替前劾永爲外臣可依 遠聲教所及駁奔而來况溟漲 格於皇天朕祗奉丕圖懋繼前烈思欲貞百度和萬邦建 帝眷佑果齊良弼輔予一人正議大夫行尚書戶部侍郎 門下朕聞后德惟臣臣德惟良在太宗時實有房杜贊貞 中於人垂拱而理求維房宋之化寤寐求思至誠感通上 觀之業在元宗時實有姚宋輔開元之化咸克佑我烈祖 除裝垍中書侍郎同平章事制 隅舟航萬里爾慕我化

宰輔者下執邦柄上代天工為國者龜注人耳目爾尚降 之體溫雅東君子之文每獻納之時動有直氣當顧問之 **敏定全唐文 老六百五十九** 玉立不倚金扣有聲泪內掌綸言密參樞務嚴重有大臣 詞無枝葉忠敬恭順貫之以誠心方深貞廉輔之以通識 領地官且司邦賦會計務劇出納事殷投利刃而皆虚委 乃德以親百姓廣乃志以序九流匡朕心以清化源從 **棼絲而必理歷試已久全才益彰宜登中樞以副愈望夫** 際言無隱情遠圖是經大事能斷匡予不速時乃之功及 一柱國賜紫金魚袋裝垍器得天爵文為國華行有根源

官常委之軍要兼丈武之秩參內外之榮斯所以彰念功 前可中書侍郎同中書門下平章事散官敷賜如故主者 懼直躬而行明聽斯言敬踐乃位嗚呼罔俾房宋專美於 達望於汝弼勿謂不從汝言逆於朕心必求諸道獨立勿 欲以致和氣子欲宣力汝為股肱予欲詢謀汝為心膂子 輯睦師徒保綏黎庻盡勤王之節建護塞之勲則宜進以 スケングは「こと」してい 施行元和六年十一月 下為君之心惟功勞是念有國之典以賞勸為先其有 除段祐檢校兵部尚書右神策軍大將軍制 白居易 7

農皆押野展執珪之勤禮憑戀闕之深誠方圖爾勞且遂 其志夫六官定職大司馬列於前二翼分師大將軍處其 右長夏官以率屬領環衛而拱宸尚非信臣安可兼委嘉 塞門明舉武經大修邊務士卒有勇保障無虞虜不近邊 觀察處置等使光禄大夫檢校工部尚書使持節涇州諸 早曆事任累著公忠名因義聞位以勤致自分戎闆實控 軍事涇州刺史兼御史大夫上柱國鴈門郡開國公段祐 多近全唐文 老二百五十九 乃實劾副予虚求將慎重其腹心宜進登於喉舌敬服休 明懋賞也四鎮北庭行軍兼涇原等州節度支度管田

次に全事と、生に写五十七 光禄大夫檢校兵部尚書兼江陵尹上柱國天水郡開國 德者也前荆南節度管內支度管田觀察處置等使金紫 門下王者以尚齒尊賢為禮以念功任舊為心况文武之 散官勲封如故主者施行 州威惠之聲克振鎮臨南海撫循之政有經自移部荆 命勉揚令圖可檢校兵部尚書右神策軍大將軍知軍事 公趙昌聚學飾身修誠致用久膚事任累著勲猷統護交 才有以兼備則中外之職所宜送居所以寵舊熟而優者 除趙昌檢校吏部尚書兼太子賓客制 白居易

官煎封如故主者施行 任服我休命其惟懋哉可檢校吏部尚書兼太子賓客散 優四皓然後能調護春開才冠六卿然後能綱紀會府惟 馳 爾年德足尚可以周旋其間宜增喉舌之榮以崇羽翼之 金ダベートラーラコーコーフ 心魏闕增修職貢益勵忠勤爰舉龍章用旌茂續夫望

大足と与文·美い「一日録	除郎官分牧諸州制	除程執恭檢校右僕射制	授吳少陽淮西節度畱後制	除閣巨源邠寧節度使制	除王似檢校戶部尚書充靈鹽節度使制	加程執恭檢校尚書右僕射制	除鄭組太子賓客制	白居易五	一欽定全唐文卷六百六十目錄
•									

贈李吉甫先父官拜與一子官制 除華羅中書舎人制 除養度中書舎人制 除養產中書舎人制	授范希朝京西都統制	除張宏靖門下侍郎平章事制	金グと「月ン」・オファン
---	-----------	--------------	--------------

制	除韓阜東都禹守制
制	鄭涵等太常博士
	杜佑致仕制
	除裴武太府卿制
	除常侍制
僕射制	除任迪簡檢校右
制	邊鎮節度使起復制
祭使制	除范傳正宣欽觀
	除拾遺監察等制
	き シン・ ノ ニ ラ コ ニ

欽定全唐文 卷六百六十 目錄			京兆少尹辛松可汝州刺史制	羔除戸部郎中制	前長安縣今許季同除刑部郎中前站	薛存誠除御史中丞制	中書舎人韋貫之授禮部侍郎制	
	,				两年縣令杜		郎制	

欽定全唐文 卷六百六十 紫金魚袋陽武縣開國候鄭綱早以令聞入參禁署永惟 門下王者重輔弼之任明進退之宜見可即升知否則拾 勤績出授台司期爾有終匡予不速歲月滋久謀餓寝微 兹朕所以推誠不惑與物無私者也銀青光禄大夫守門 罔清淨以慎身每因循而保位旣乖素履且鬱皇猷宜副 欽定全唐文卷六百六十 下侍郎同中書門下平章事兼宏文館大學士上柱國賜 白居易五 除鄭綱太子賓客制 白居易

景等州管內觀察處置等使上柱國那國公食邑三千户 諸軍事軍滄州刺史御史大夫横海軍節度支度營田滄 命爾其敬承銀青光禄大夫檢校兵部尚書使持節滄州 垣翰功者旂常則何以副儀形之求稱節制之任我有休 熟封如故主者施行 羣情罷兹樞務朕以其久居內職累事先朝思厚大臣貴 全終始俾就優別之秩用申寬大之恩可太子賓客散官 下職參撰務權總成麾必难其人乃授斯柄自非望崇 加程執恭檢校尚書右僕射制

欽定全唐文 卷六百六十 於喉舌以守上勤王之效雖進官封念來朝述職之忠未 且有後命朕思安封域望在熟賢任旣切於腹心位猶輕 朝久專外間殿邦而山岳比鎮奉國而金石為心動修武 順外形於詞氣爰舉酬庸之典稍增命秋之祭方圖前勞 經居有循化泊執珪入觀班瑞言旋忠惡內激於心誠恭 右僕射餘並如故 加寵數特升右揆俾在中樞勉終永圖無替成績可檢校 程執恭義勇立身忠慰成性聚為事業發為敷飲懸事 除王似檢校户部尚書充靈鹽節度使制 白居易

變金石彌堅宜申命於北轅俾過我於南牧進地官以崇 麥定難位由勞致名以忠開自列六卿且司七举星霜屢 緇早練武經果從軍職項逢多壘實佐元戎節著臨危功 書兼右衛上將軍寧塞郡王食實封二百五十户王必忠 新命極熟秩以褒舊功中簡朕心外諧愈議况五原重鎮 厚立誠果斷効用慎始終而行有枝葉踐夷險而道無磷 之任有撫備之畧然後鎮以夷夏之衝期乎攘過寇虞慎 固封域今予命爾時謂得人開府儀同三司檢校刑部尚 下靜邊之要選將為先夫有統馭之才然後授以節制

諸軍金湯中夏有坐甲護邊之旅任切於拊循有引弓 鹽定遠城節度副使知節度事管內支度管田觀察處置 往分朕憂歲時之間期於報政委望斯在爾其聽之可檢 校户部尚書兼靈州大都督府長史御史大夫充朔方靈 昆夷之悍訓必在和地為獯虜之隣撫宜以信勉率是道 次定全事文 卷六百六十 門下華夷要地實為蕃漢鉄鐵重柄必授忠賢况乎犄角 押蕃落等使仍賜上柱國散官食實封並如故主者施行 夏長城修戎政莫先於威聲牧邊民莫尚於惠實師 除閻巨源が寧節度使制 白居易

來效於戲十聯之帥可以觀政萬夫之長可以樹熟勉宏之寄長南宮而遷左揆壯西郊而委中權旣圖前勞且佇 兹選奉天定難功臣開府儀同三司檢校尚書右僕射 戸閻巨源備知虜態明練兵符永惟頗牧之能宜授郁 令猷副我休命可檢校尚書左僕射使持節邠州諸軍 羽林軍統軍御史大夫上柱國定襄郡王食邑一千三百 之虞寄深於備禦內作心腹外張爪牙苟非信臣不 觀察處置等使散官熟封並如故主者施行 邠州刺史御史大夫充 那寧慶等州節度管內支度營

鋒兵馬使正議大夫檢校右散騎常侍使持節申州諸軍 欽定全唐文人卷六百六十 其難朕將選眾以升試可而用推掌戎務已逾歲時而能 方擇有才以領語府仰惟令典今舉行之彰義軍馬軍先 以宏德而息人也况聞外重寄淮右成師建有德以統藩 事申州刺史兼御史大夫會稽郡王吳少陽忠勞許國貴 門下議事以制擇善而行是適變通庶臻康濟此王者所 介成家當武畧於韜舒宣吏能於符竹屬元戎旣殁謀帥 輯師人勤修土貢布寬簡有恒之政動悅人情守恭順 授吳少陽淮西節度臨後制 白居易 四

如故主者施行 度管田申此蔡等州觀察處置等使弱後仍賜上柱國封 持節葵州諸軍事權知蔡州刺史充彰義軍節度管內支 委之雷事載行其效爾宜勉於後圖敬思是言往率乃職 俾增威於雜武仍加熟秩式茂寵章嗚呼重觀其能我故 不踰之心靜俟君命有嘉大節可假中權宜進列於貂蟬 可銀青光禄大夫檢校左散騎常侍依前兼御史大夫使 下臣之節極乎忠功君之柄先乎爵賞欲忠者之克懋 除程執恭檢校右僕射制

實用茲道今我命爾因其舊章橫海軍節度支度營田滄 次定全事文 卷六百六十 作師律伐謀而心為戰鋒服金革而無辭當矢石而有勇 滄州刺史御史大夫上柱國邢國公程執恭業傳將客名 致紀綱我列郡節制我成師動揚休聲靜若茂質自合符 在敷籍為天爵以修已忠孝兩全竭臣節而事君夷險 景等州觀察處置等使起復冠軍大將軍左金吾衛大將 軍員外置同正員檢校兵部尚書使持節滄州諸軍事氣 也故爵有加等欲功者之速勸也故賞不踰時古先哲 旅奔命出疆暴露思於三時供億出於二郡整界而身 白居易 5.

書右僕射餘並如故主者施行 漢宣帝云與我共理者其惟良二千石乎誠哉是言朕每 惻然久之與其傷和而濟功曷若含垢而修德旣罷師旅 之崇樂忠勸功於是乎在承我休命爾其欽哉可檢校尚 兩晦識雞鳴之信風高見隼擊之威遠暑旣申茂敷方集 三復安得循吏副吾此心今之臺郎一時妙選嘗經行歷 圖勤勞效且居多賞宜從重俾自夏官之長特升右 以恒陽之眾蠢爾無知歐彼生人致之死地每一念至 除郎官分牧諸州制 揆

欽定全唐文卷六百六十 是用並命分牧吾人歲時之間期於報政戶部郎中其可 ·請惟乃祖乃父代居相位咸有成績書於旂常爾有忠正 也朕思得良弼馴致此道各子命汝其殆庶乎其官張宏 某州刺史兵部員外郎某可某州刺史云云朕高懸爵當 狄内安元元使百官修其職一物不失其所此宰相之任 門下夫佐佑天子燮理陰陽平章法度登進賢哲外撫夷 **佇期酬效咨爾風夜其念之哉無俾襲黃專美前代** 率有才用雖與曹尼事其務非輕而却隱分憂所寄尤重 除張宏靖門下侍郎平章事制 白居易

恭肅文以禮樂日濟其美振揚家聲一時之人謂之才子 命業乃代官竭其股脏服我前訓嗚呼三代為相邦家之 得人心察吏將卒皆樂為用清簡之化聞於京師由是鄭 門下閭園風至太白星高謀帥護邊國之大計具官范希 光爾其念哉無替乃前人之檢烈 亞登清貫益著令聞泊出刺陝部移鎮蒲坂政不許細甚 同朕志亦定乃用登爾於佐輔授爾以大政尚克欽乃嘉 緇衣之好漢庭元成之美朝望時議翕然與之人謀旣 授范希朝京西都統制

欽定全唐文卷六百六十 臣朕以西邊列鎮三四若有總統則易成功思得良帥有 朝忠貞勤儉以爲質惠和智勇以爲用一代名將三朝信 與聲皆副是選今拜爾為大將尊爾為司徒節制進退 炏 威名者拜護諸將歲一巡邊乘秋順令揚其威武則南牧 之馬引弓之人知我有備不戰而去誰其任者無如希 勒其官李吉甫出入將相追今七載而能修庶職紋舞 令豁稟倚望如右可不惧數可充京西都統 爾有朔方之祭有振武之效功在疆場名聞羌戎惟實 贈李吉甫先父官行與一子官制 白居易

宣股肱之力成天下之務歷選多士爰得良輔乃降厥命 毗子一人以底於道風夜不怠厥功茂馬夫忠於君者教 其聽之哉其官李絳齊莊嚴重內明外直進退舉指有大 本於親寵其身者賞延於嗣於是乎有飾然之命有任子 匡不逮言雖逆耳必求諸道事苟利人成可其奏茲足以 不逮先王是用急疾於求賢置之於左右俾承弼約誨 之恩所以感人心而勸臣節也惟茲舊典可舉而行 下昔在堯舜聰明文思尚賴良臣實相以濟况朕漸德 除李絳平章事制

欽定全唐文、卷六百六十 宜舉賞典其官韓宏以長村大畧作我藩臣本於忠力輔 中樞無易絲者於戲爾以文學入仕以正直奉上才傳 專領財賦未逾周月亦有成績歷試多可人望攸歸俾登 有馬唯此一方朕嘗愛處今有良帥鎮而撫之政立功成 哉懋哉無忝朕命 臣體自參內職每備顧問忠讓之操終然不渝及貳地官 梁宋之交水陸合會人雜難理軍暴難戰因變肆亂往往 用職亦優遷十年之間位至丞相何以報國在乎匪躬欽 授韓宏許國公實封制 白居易

栗明罰信賞軍和食足禮節並行河南晏如於茲一紀是 龍以旌殊績飲我休命子孫其保之 以政理自分閩寄在淡之郊嚴貞師律恭守朝憲訓兵積 人之效則有加等之命古之王者所以賞一人而天下勘 則有大勲於國有大惠於人會課議功無出其右夫有過 甚得其宜施之四方联命惟允况中立不倚道直氣平 者用此道也可不務乎是用建於上公授之真食以示殊 勲郎中知制語裴度以茂學懿文潤色訓語體要與麗 除裝度中書舎人制

欽定全唐文卷六百六十 可守起居舍人依前件 拾遺左右朕嘉乃志選在內庭自參密近益見忠謹始終 授可中書舎人 勒左補闕翰林學士蕭倪頃居諫列職司其憂風夜孜孜 不替尤足多之記事之官一時清選俾府是命以宏勘避 然風規有光近侍臺郎滿歲班列當選編開之職所宜真 部郎中知制語翰林學士崔羣端厚和敏飾以文學温 除崔羣中書舎人制 除賴促起居舎人制 白居易

惟有終 規極慮宏益居多所宜龍以正名式光禁職敬乃嘉命其 考功員外郎史館修撰獨孤郁為人沉實敏行寡言終然 久而彌精六年於兹勤亦至矣况小大之事常所訪問盡 良忠敬得侍臣之風自列內朝軍司許命事煩而益密職 求之周行不可多得而校垣近職給閣重選俯詢時議爾 宜居之 文藻秀出於眾界升諫列再東史筆洎掌功論率以直開 獨 孤郁守本官知制語制

致定全唐文《卷六百六十 昔吳公袁安爲河南尹守皆能以康平清肅馭吏教人 能繼之我有良吏其官許孟容才志甚大言論甚高在臺 命爾其有旨哉昔談之書遷能修之彪之史固能然之惟 爾先父嘗誤建中實錄文質詳畧頗得其中爾宜繼前志 率前修無添爾父之官之職可左拾遺史館修撰 **下兆府郭縣尉沈傅師庶職之重者其史氏與歷代以來** 難其選非雄文博學輔之以通識者則無以稱命今茲 除許孟容河南尹兼常侍制 授沈傅師左拾遺史館修撰制 白居易

寵之 考言詢事非爾而誰不忘舊政可立新續仍以騎省申而 漢東大郡委之共理勵精爲政三年有成中外序遇朝之 轉遇頗有遺愛河洛千里都畿在馬凡所選任必歸望實 弊典尚書郎缺爾宜補之 閣問藹然公望當尹京邑觀其器用臨事能守當官敢言 不吐剛以茹柔不附上以急下政無煩碎甚合眾心及是 州刺史李程項以詞學入參訓命旋以才用出領部係 除李程郎中制

試大理評事裴克諒久佐本府頗有勤績屬邑利病爾必 華陰令卒非遇補時調租勉農政不可缺前鎮國軍判官 故尚書右僕射高郢立身從事皆有本末在亂不汗可以 欽定全唐文人卷六百六十 言忠守官不撓可以言直以道佐主可以言正以年致仕 不愁遺深用軫悼宜加衰贈以旌其風仍俾善人聞而 可以言禮有一於此人鮮克舉况備四者不亦君子乎天 知宜假銅墨試其才理待有所立方議正名 裴克諒權知華陰縣令制 贈高郢官制 白居易 知

當失教之責然以典職詔命恭勤五年我即念勞爾宜思 勘可贈其官 中書舎人于尹躬其弟卑謨職汗狼籍雖無從坐之法合 故 過俾居近郡茲謂得中 申禮典永惟聚飾寧忘於心今則命數之間宜從加等点 太子賓客裴垍忠正恭慎佐予為理事君盡禮徇國忘 積憂與勞構成疾悉以致淪逝念之惻然項屬多故未 贈裴垍官制 貶于尹躬洋州刺史制

爲將軍以成西戎以護中夏而倚望若是安可非其人哉 官 欠足 自与之一美七百七十 某官某出忠入孝仗信抱義行有餘力學劍讀書鬱然將 爾 使忠於君者有以勸馬可贈其官 材用兼文武自領軍衛為我爪牙夙夜警巡不懈於位材 金方之氣疑爲將星王者法天選命豪傑授之以鉄纸 郇邠大藩控扼胡虜若得良將則無外處知臣者君 知訓環列增勲服勤五年兹為成績可以移用使之守 不可仍加副 除軍使邠寧節度使制 相以重是行勉樹勤勞式光龍擢 白居易

明正國之公器當官必守臨事能斷簡在朕志迨今累年 選周行乃獲時彦宜以政柄舉而授之具官章貫之溫重 號為中興朕嗣位以來永監前烈惟是賢俊寤寐求思悉 門下周宣漢宣繼體之主一得申甫一得魏那成克致理 金万とろいろフマコー 乃者擢居諫司以觀其直出領符竹以觀其理煩之劇務 觀其用訪之大政以觀其體歷武必中眾望允屬倚之 以忠后從諫則聖靡不有始鮮克有終理化不成恒由 相愈日宜哉可中書侍郎同中書門下平章事夫臣事 除草質之中書侍郎平章事制

於此今我與爾永終是圖雖休勿休以臻其極嗚呼二宣 署出分符竹江南列郡連領者三所至之部悉心為理 與理化也蘇州刺史范傳正文學政事二美具焉選自郎 渭南縣尉庾敬休等咸文行清茂士之秀者宜從吏列擢 在朝行各隨才用分命以職司諫執憲行有可稱 之業吾有望焉 古之諸侯三載考續選其賢者命為長率所以勸功行而 除范傳正宣獻觀察使制 除拾遺監察等制 î 白岊易 明

執親之喪三年禮也聖人不得已而奪之金革之事無避 權也忠臣不得已而從之某官某握我兵要守在塞門忠 安計日而理倚注於爾往宜欽哉 尚在吳興之新政方播升車便道足慰人心固當望風自 聞於人聽雖古循吏蔑以加之朕以陵陽與壤土廣人庶 欽定全唐文、卷六百六十 其地有險所寄非輕跡其前效可當此選況縣歙之遺愛 諭朝旨恭守詔條謹身省事以臨其下政簡而肅意誠而 明吏不能欺人是以息而去思之歎來暮之謠往復有政 邊鎮節度使起復制

次定全喜文 卷六百六十 遽致公政站茶街恤已過旬時而軍旅不可以無帥疆場 忠勞輸於國惠澤及於人高位厚賞朕無所愛其官任迪 急於情禮拾輕從重徇公減私變而通之正在於此俾加 名况歲廣屯田日討軍實載陳遠暑方集大熟自惟家凝 書曰德懋懋官功懋懋賞此先王所以匡飾天下也其有 勇威惠合以爲用師人悅附戎虜畏服迨彼諸部聞其姓 戎秩用護邊封往復舊職無違朕命 不可以無主且慮人慢或生我心蓋臣節大於孝思王事 除任迪簡檢校右僕射制 白居易 与

簡 間 赤心於人腹挺身誓眾罔不率從羣情旣歸因命為帥 誘動軍部亂行件命至於再三而迪簡冒白刃於我首置 將守立功如斯不加爵賞何勘來者建官惟百端揆長之 自 泰然安堵開置幕府叶和親鄉俾予無憂時乃之力夫為 威於聞外仍就拜於軍中爾其欽哉無替厥命 閻蕩析倉原匱竭野有餓草軍無見糧又能推恩信以 非熟賢不在此選以是加等之命羅乃殊常之績俾增 項以本鎮元式來朝俾佐師律實掌語務屬偏裨不軌 眾心率勤儉以勸生業士旅悅附流庸思歸周月之間

前後以備顧問 勒聚九州之賦辨百貨之名按其度程謹其出納孰為 立之於朝正色讜言時有所取俾登西掖仍珥右貂從容 以言動小有過差左遷遠藩亦聞有政雖經三點僅歷二 某官某往以強毅剛正見稱於時程在左曹俾之駁議旋 外府上卿務殷秩崇不易其選某官裴武有通敏之識 而堅直之氣終是不渝人之所難亦足嘉尚宜可東帶 除裴武太府卿制 除常侍制

能兼之司徒同平章事杜佑以長才名暑為國元臣歷事 守之斯為稱職 藏出入之要修權量平校之法以遵成式無使改易謹 集事俾陞顯列仍委劇務爾宜率其官屬欽乃職司會祭 有勤績存乎官次而受藏之府國用所資若非使能何以 勒盡悴事君明哲保身進退始終不失其道自非賢達孰 金万月万八十十十十 有倚辦之才以茲器用早膺任使小大之務罔不勵精 朝殆逾三紀出專征鎮爲諸侯帥入贊台衰爲王室輔 佑致仕制

奪守沖知止佑實有馬賢哉大夫今古同道宜從優異之 疏披誠至於數四敦諭頗切陳乞彌堅期於必遂理不 嘉猷茂續中外洽聞寵任旣崇勤勞亦至頃以年登致仕 其官鄭涵等並早以文行久從吏職輩流之間頗為淹滞 命式表褒崇之禮尚資耆望俾傅東朝可太子太師致仕 退請懸車方深倚注久未得謝勉就牽率追茲累年今抗 如天氣睛和亦任朝謁昔祁奚申叔皆就請老國有大事 議否臧忠臣愛君豈必在位永觀前事期副茲懷 鄭涵等太常博士制 可

欽定全唐文 卷六百六十 所 光 |或損益有宜中外諡議或褒貶不決爾爲博士皆得正之 國 各德之後鬱然公才正行通規貫平始終累遷臺府連 序始三十年舊德耆望無居其右俾人東夏愈以為然乃 藩維入修職業出樹風聲故多遺愛著聞中外況一 熟舊者則不足以允愈屬而副重寄也刑部尚書韓皇 之都府半在東州未追時巡方委審鎮非位望崇盛加 雅有學識進修不已禮官方缺宜當此選凡朝廷禮制 任非輕各敬乃事並可太常博士 除韓阜東都區守制 一登朝

禮以和神人可使考文以第俊秀儀曹之選愈議所歸往 樂行成於內移用於官公直之聲滿於臺閣項以詞蘇選 修乃官無替厥問可禮部侍郎餘如故 登禁按東筆書命時稱得人久積勤勞宜有選轉可使典 勒典郊祀之禮獻賢能之書今小宗伯實軍二事非直清 東都語守 明正者不足以處之中書舎人幸買之沉實堅峻文以禮 加冢卵以示崇寵敬服嘉命永孚於休可檢校吏部尚書 中書舎人韋貫之授禮部侍郎制 白居易

史中丞餘如故 官 選自郎署列於左曹居公靜專言皆識正章疏駁議多所 忠益可以執憲立於朝端光副相方缺臺綱是領針正百 母戶全屋文 若六正六十 綱 勒庶官之政得人則舉况中執憲準繩之司所以提振紀 端肅內外蓋一職修者其斯任之謂數給事中薛存誠 爾得專之夫直而不絞威而不猛不附上而急下不 以違強率是而行號為稱職敬服斯命往其懋哉可御 薛存誠除御史中丞制 前長安縣令許季同除刑部郎中前萬年縣

人でとうと 京光少尹辛祕項守吳興時逢擾亂安人於冤節效可稱 京邑而長吏待之小乖常禮雖同辟托故動未得中然遠 前長安縣令許季同前萬年縣令杜羔等項自即署分字 俾府並命季同可刑部郎中無可戸部郎中 於眾詢諸時議宜有選授尚書郎缺方選才良憲部人 出件戎車入貳京輦亦有政績者於官常今以汝汾軍 恥以退道不失正各從冤職亦旣踰時况文行政能皆推 京兆少尹辛祕可汝州刺史制 羔除戸部郎中制 白居易

				以舒吾人可汝州刺史	之大方求良更委之分憂詢事考能爾當其思	一金に人自屋ろしたい下ラー
	"	,			北爾當其選往即乃土	た

,